

ՀԱՅ ՄԱՆՐԱՆԿԱՐԶՈՒԹՅԱՆ ՊԱՏՄՈՒԹՅՈՒՆՆԵՅ

Ա. Ն. ԱՎԵՏԻՍՅԱՆ

Հայկական մանրանկարչության ուսումնասիրման, առանձնապես նրա հրատարակության գծով մինչև օրս կատարված աշխատանքը տակավին չի կարելի բավարար համարել: Գեղարվեստական տեսակետից շատ արժեքավոր ձեռագրեր, հուշարձանների առանձին խմբեր, որոնք շողկապված են ընդհանուր ոճով ու ժամանակով, ինչպես նաև մի շարք հարցեր ու ընդհանրացնող թեմաներ կարող են լուրջ ուսումնասիրության: Մանրանկարչական դպրոցներից մեկին, կամ որևէ մանրանկարիչ-արվեստագետի ստեղծագործությանը նվիրված աշխատություն հրապարակի վրա մենք չունենք:

Սույն հոդվածում փորձ է արվում լուսաբանել միջնադարյան Հայաստանի վարպետներից մեկի՝ Մաթեոսի ստեղծագործությունը:

Մանրանկարիչ Մաթեոսի գործունեության ժամանակաշրջանը համընկնում է XIII դարի վերջին քառորդին: Նա ստեղծագործել է Վայոց ձորում, Պոռչյան իշխանական տան, մասնավորապես Պապակ և Ամիր-Հասան եղբայրների համար:

Մաթեոսի ստեղծագործությունը նշանակալից դեր է խաղացել Գլաձորի մանրանկարչական դպրոցի ձևավորման գործում: Թեև չկան անմիջական տեղեկություններ Գլաձորյան համալսարանի հիմնադրի ներսես Մշեցու մոտ Մաթեոսի սովորելու կամ աշխատելու մասին, բայց ակնհայտ է այն, որ մանրանկարիչը ինչպես իր ոճով, այնպես էլ սրբապատկերագրությամբ հարում է գլաձորյան վարպետներին:

Մեզ չեն հասել Մաթեոսի անձնական կյանքին վերաբերող տեղեկություններ, բայց պահպանվել են նրա անվան հետ կապված մի շարք հուշարձաններ՝ եկեղեցիներ, խաչքար և մի ինքնատիպ ավետարան:

1275 թ. Մարտիրոս գյուղի² հին գերեզմանատանը Մաթեոսի կողմից հիմնադրվել է մի խաչքար-հուշարձան (քարձրությունը 2,6 մետր) հետևյալ մակագրությամբ. «Կամա ալ (աստուծոյ) իշխանութիւն Ամիր Հասանա ես Մաթէոս վդ կանգնեցի զնշանս ինձ եւ Պետրոս եւ ծնողաց իմոց որք (երկրպագէք ած) ողորմի նոց»³:

¹ Գլաձորյան համալսարանի և մանրանկարչական գեղարվեստական դպրոցի մասին ավելի հանգամանորեն տե՛ս Ա. Ավետիսյանի «Գլաձորի համալսարանը» հոդվածը, «Իջմիա-ծին», 1956, IV—V, էջ 82—92:

² Վայոց ձորի Մարտիրոս գյուղը գլխավոր կենտրոններից մեկն է, կամ, ինչպես ենթադրում է Ջալալյանցը, — Պոռչյան իշխանների ամառանոցն է եղել. տե՛ս Գաբրիել Նոյսեփյան, Խաղողականք կամ Պոռչյանք հայոց պատմության մեջ, մասն առաջին, Վաղարշապատ, 1928, էջ 126: Սարգիս Ջալալյանց, Ճանապարհորդութիւն Մեծն Հայաստան, մասն Բ, Տփլիս, 1858, էջ 200: Ղ. Ալիշան, Սիսական, Վենետիկ, 1893, էջ 177: «Материалы по археологии Кавказа», вып. XIII, Москва, 1916, էջ 158:

³ Ծիշտ նույնությամբ, միևնույն թվագրությամբ այդպիսի մի մակագրություն կա վիմափոր եկեղեցու հարավային պատի վրա (բեմի մոտ), Մարտիրոս գյուղից ոչ հեռու, այն ժամանակ, երբ այդ եկեղեցու շինարարությունը համարում են 1286 թ.: Քանի որ եկեղեցու պատերի վիմագիր արձանագրությունների մեջ այլ, ավելի վաղ թվագրություն չկա, քան 1275 թ., ապա պետք է եղբայրացնել, որ շինարարության սկիզբը վերաբերում է 1275 թվականին, նույնիսկ, կարող է պառակտել, մի քիչ վաղ:

Մեր կարծիքով խաչքարը հանդիսանում է ոչ թե գերեզմանի հուշարձան, այլ կանգնեցվել է ի նշանավորումն ինչ-որ մի կարևոր եղելության, հնարավոր է որպես հիշատակ վիժափոր եկեղեցիների կոմպլեքսի շինարարության սկզբնավորման: Մեր այս ենթադրությունը հաստատվում է և իրեն խաչքարի տեղադրությանը—Մարտիրոս գյուղից դեպի վերոհիշյալ եկեղեցիները տանող ճանապարհի վրա: Եման հուշարձանները՝ նվիրված այս կամ այն եղելությանը, սովորաբար կանգնեցվում էին ճանապարհների վրա: Հետագայում այդպիսի խաչքարերի շուրջը կարող էին գոյանալ գերեզմանատներ:

1286 թ. Մաթենոսը ավարտում է դեռևս 70-ական թ. սկսված վիժափոր եկեղեցիների շինարարությունը. դրանք գտնվում են Մարտիրոս գյուղից ոչ հեռու, Աղավ-մենաստան կոչվող լեռան արևմտյան լանջին:

Վիժափոր կոմպլեքսի գլխավոր սրբությունը—դա «Սուրբ Ստեփանոսի» եկեղեցին է: Եկեղեցին չորս արտիգանի է, որոնցից արևելյան բեմը հատակագծով կիսակլոր է, իսկ մնացած երեքը՝ ուղղանկյուն: Գմբեթը ոչ մեծ, երկարացված տեսքով է: Եկեղեցու մուտքը գավթից է: Գավթի պատերը ծածկված են խաչքարերով, իսկ եկեղեցունը՝ արձանագրություններով: «Այս վիժափորները,— գրում է Գրեգորի Հովսեփյանը,— Գեղարդի Պոռչի տաճարների վսեմությունն ու արվեստը շունեն, բայց աննշան չեն»²:

Այս կառուցվածքներից բացի Մաթենոսի անվան հետ կապված են նաև այլ հուշարձաններ: Այդպիսիներից մեկը, ինչպես գտնում է Գրեգորի Հովսեփյանը, հանդիսանում է Մարտիրոս գյուղի եկեղեցին, որը վերջին մեծ վերանորոգումների պատճառով այնքան է փոխվել, որ դժվար է և նույնիսկ անհնար պատկերացնել նրա նախնական տեսքին:

Մաթենոսը ավելի հայտնի է, որպես մանրանկարիչ. 1292 թ. ավետարանի հեղինակ (Պետ. Մատենադարան, ձեռ. № 6292): Այդ ավետարանը ոչ միայն գեղարվեստական նշանակալից արժեք է ներկայացնում, այլև ընդհանրապես մեծ հետաքրքրություն է պատճառում սրբապատկերագրության մի քանի հարցերի իր բոլոր ամենայնի ինքնատիպ լուծումով:

1292 թ. ավետարանը պարունակում է մի շարք մանր հիշատակարաններ (էջ 88բ, 101բ, 102ա), և մի ընդարձակ հիշատակարան (էջ 215բ—219բ), որտեղ ասված է, որ այն պատրաստվել է Վաչոց ձորում, Աղավ-մենաստանում—Մաթենոսի կողմից, 1292 թ.: Ձեռագրի ստացողները եղել են Սիսիանոս երեցը ու նրա որդի Ուսամբ (էջ 101բ, 217ա):

Ձեռագիրը վատ է պահպանվել, վերանորոգման է ենթարկվել մի անգամ 1457 թ., այն կատարվել է մեծ խնամքով, նույնիսկ սիրով: Էջերի վերանորոգումը կատարված է այնպես, որ այժմ դժվար է դրանք զանազանել: Միայն նրանց վրա սև թանաքով դրված տեքստի թերի բառերից ու տառերից (օրինակ, էջ 101ա, 105բ, 106բ և այլն) կարելի է իմանալ վերանորոգման մասին: Սակայն, նկատենք, որ վերանորոգող Սարգսի կողմից խորաններ պատկերող մի քանի թերթեր ձեռագրի սկզբում շփոթված են, այսինքն չեն կարված իրենց տեղերում: Այսպես օրինակ, մեկ կամարի խորանին (էջ 1բ) համապատասխանում է ինչպես կոմպոզիցիայով, այնպես էլ խորանի տեքստի շարունակությամբ նույնպես մեկ կամարանի խորան, նշված է 4ա էջում: Այնուհետև, ինչպես երևում է, նա ինքն էլ լրացրել նաև խորանների նկարով թերթեր: Այդ խորանները մյուսներից տարբերվում են ինչպես նկարով, կոմպոզիցիայով, անհայտը կատարումով, այնպես էլ անորակ ներկերով (էջ 6ա—բ): Ներմուծված էջի պրիմիտիվ բնույթի խորանները, կարծում ենք, վերցված են ուրիշ ձեռագրից: Հետագայում Սարգիսը ներկել է դրանք: Այս ենթադրության օգտին են խոսում այնպիսի տվյալներ, ինչպիսին խորանի նախկին բաց կոնտուրների վրայով ևս ներկով անցնելն է և բարակ սյուների ու կամարների գեղին,

¹ Տե՛ս 1292 թ. ավետարանի հիշատակարանը (Պետ. Մատենադարան, ձեռ. № 6292), որտեղ այդ եկեղեցիների շինարարության մասին ասված է հետևյալը. «...նա Մաթենոս վղհրամանով և ձեռնտովութք Ամիր Հասան շինեցի զտեղիքս միաբանայ բնակ վանս և շինեցի զեկեղեցիքս և ժամատունս» (էջ 218ա):

² Գ ա Ր Ե Գ Ի Ն Հ Ո Վ Ս Ե Փ յ Ա Ն, Քաղրակյանք կամ Պոռչյանք..., մասն առաջին, էջ 149:

³ Նույն տեղում, էջ 148:

⁴ Գրեգորի Հովսեփյանը ծանոթ լինելով այդ ձեռագրի հետ, ոչինչ չի ասում այդ ներմուծված էջի մասին, այսինքն չի առանձնացնում այդ խորանները. հավանորեն նա դրանց հեղինակն է համարում ծաղկող Մաթենոսին: Տե՛ս նրա «Քաղրակյանք կամ Պոռչյանք...», մասն առաջին, էջ 149—150:

կարմիր և կանաչ գույներով ներկված լինելը: Ընդհանրապես այս թերթը տարբերվում է մանրանկարիչ Մաթևոսի խորաններին իր ամբողջ բնույթով՝ բնդհանուր գունային գամմայով, կատարման որակով ու ձևով:

Վերանորոգողի կողմից, այս երկու խորաններից բացի, ներկված են նաև մի շարք լուսանցքազարդեր՝ օղակներ, որոնց կոնտուրները նշված են եղել մանրանկարիչ Մաթևոսի կողմից (շրինակ, էջ 179ա, 192ա, 200բ և այլն): Մնացածներից դրանք պահպանվում են նաև ներկելու հմտության բացակայությամբ և ներկերի անորակությամբ: Բացի մանրանկարիչ Մաթևոսի գծած օղակների թարմացումից վերանորոգողն ինքն էլ թվերը շրջագծել է (էջ 182բ և այլն):

Ձեռագրի սկզբում տրված է ներածական քերթ (էջ 1ա, նկ. 1), որտեղ տեքստը վերցված է շրջանակի մեջ: Կիսակլոր շրջանակների մեջ տեղավորված են մեկական սիրամարգեր, իսկ դրոշից՝ մեկական աքաղաղներ՝ կավարար դիրքով: Մանրանկարիչ Մաթևոսը նկարազարդումների մեջ հատկապես սիրում է պատկերել սիրամարգ, որը նա վարպետորեն, նույնիսկ վիրատուղ կերպով, ներկայացնում է ամենաբազմազան վիճակներով՝ մեկ ներքև նայելիս իջեցրած սրտով, մեկ որպես թռչունների թափվոր՝ հպարտ կուրծքը դուրս ցցած և հովհարածն պոչը վեր բարձրացրած, մի ոճ, որը յուրահատուկ է հայկական ձեռագրերին:



Նկ. 1

Թերթի ներքևի մասում ձգված քառանկյան մեջ դրված են նույնպես երկու սիրամարգ՝ հանգուցված վզերով: Բոլոր սիրամարգների վզերին հագցված են օղակներ, մի բան, որ լայնորեն տարածված է հայկական արվեստում:

Այնուհետև ավետարանում հաջորդում են մեկ կամարով և զույգ կամարով խորաններ: Բոլոր կամարները պարտի ձևով են՝ ծխածախային օրնամենտով, որին հաճախ հանդիպում ենք

Հայկական մանրանկարչության մեջ: Խոյակներին նկարը տրված է քարի ձևով: Դրանք երեք-չորս աստիճանի են՝ որոշակի պրոֆիլով: Մի քանի սյուների խարխալները նշված են զուգահեռ գծերով՝ որպես թև: Դրանք դարձված են քարից: Հատուկ հետաքրքրություն են ներկայացնում սյուների խոյակները, Կա—Բ էջերում, որոնք շատ հիշեցնում են քարից բանդակված խոյակները:

Ինչպես խոյակները, այնպես և մյուս նկարազարդումները կատարված են գեղանկարչական մաներայով: Չնայած մանրանկարիչ Մաթեոսի ներկերը գույներով հարուստ չեն, բայց նրանք արտահայտիչ են համակցությունների մեջ:

Ամբողջությամբ վերցրած մանրանկարիչ Մաթեոսը իր խորանների մեջ շարունակում է հին տրագիցիաները, գործածելով պայտանման կամարներ:

Հայկական մանրանկարչության մեջ, ինչպես իրավացիորեն նշում է Գարեգին Հովսեփյանը, գեղադարձումների համեմատ սրբապատկերագրությունը թույլ է զարգացած¹: Մանրանկարիչ Մաթեոսի մոտ, ընդհակառակը, ավելի ուժեղ է զարգացած սրբապատկերագրությունը:

Մաթեոսը վարպետություն է հանդես բերում նույնպես մարդկանց, նրանց գործողության պատկերման ժամանակ: Նա յուրահատուկ ձևով է պատկերում մորուսը, մազերը մարդու գլխի վրա յուրատեսակ են սանրված՝ կողքերից դեպի հետ, առանձին սահուն գծերով, մի բան, որ ստեղծում է որոշ ծավալային տպավորություն: Դա առավել դրսևորված է գեմքերի և աշերերի պատկերման մեջ: Դեմքի ամեն մի դիժ ցցուն է, իսկ աշերերը որոշակիորեն արտահայտում են շոշափելի կոորություն:

Մանրանկարչի մոտ յուրատեսակ ձևով է կատարված նաև ավետարանիչների սրբապատկերագրությունը: Ավետարանիչները ոչ թե իրենք են գրում իրենց ավետարանները, ինչպես սովանդություններով բնորոշված է մանրանկարչության մեջ Մաթեոսի, Մարկոսի, Դովկասի վերաբերյալ, այլ նրանցից յուրաքանչյուրն ունի իր աշակերտ-գրիչը, որին ինքը թելագրում է. այսինքն տրված է չորրորդ ավետարանիչ Հովհաննեսի նման: Գարեգին Հովսեփյանի կարծիքով նման բացառիկ սյուսեմալիկ երևույթ գոյություն ունի նաև IX—X դարերի Ռեյմսի մարզի ավետարաններից մեկի մանրանկարների սրբապատկերագրությունում, որտեղ Պետրոս և Պողոս առաքյալները հանդիսանում են թելագրողներ իրենց աշակերտ-գրիչների՝ ավետարանիչներ Մարկոսի և Դովկասի նկատմամբ²: Ներկա գեպքում Գարեգին Հովսեփյանի եզրակացությունը այնքան էլ ճիշտ չէ, քանի որ մանրանկարիչ Մաթեոսի մոտ ամեն մի ավետարանիչ ունի իր գրիչը, և ոչ թե իրենք են հանդիսանում առաքյալների աշակերտները, որպիսին Ռեյմսի ձևագրում է: Մանրանկարչության պատմության մեջ այդ հազվագյուտ երևույթը, որ մատնանշված է Գ. Հովսեփյանի կողմից, կարելի է նկատել «Հեթում» թագավորի աստվածաշնչի 1295 թ. կիլիկյան ձևագրում (Պետ. Մատենադարան, ձեռ. № 186), ինչպես և 1292 թ. ավետարանում (Պետ. Մատենադարան, ձեռ. № 2843), որը նկարազարդված է նորավանքում ծաղկող Մամիկի ձևերով:

Հետաքրքիր է նաև այն, որ մանրանկարիչ Մաթեոսի մոտ Հովհաննու աշակերտ Պրոխորիոսը, ընդունված սովորության հակառակ, տրված է մորուսով, մինչդեռ մյուս ավետարանիչների գրիչները անմորուս և անբեղ պատանիներ են: Հավանաբար այս երևույթը դալիս է հին տրագիցիաներից, որովհետև մորուսավոր Պրոխորիոսին հանդիպում ենք մի շարք հայկական ձևագրերում, օրինակ, վարպետ Մամիկի 1292 թ. ավետարանում, 1354 թ. Ախթամարի ձևագրում (Պետ. Մատենադարան, ձեռ. № 2843), XIV—XV դդ. ավետարանում (Պետ. Մատենադարան, ձեռ. № 4456) և այլն:


Մանրանկարիչ Մաթեոսի մոտ ավետարանիչները պատկերված են անսովոր վիճակով՝ նրանցից յուրաքանչյուրը, աշակերտ-գրիչների հետ միասին, տրված է խորանի տակ (էջ 7բ, 64 բ, 102բ և 156բ, նկ. 2 և 3): Խորանների ուղղանկյուն վերին մասը հաստատված է երկու սյուների վրա՝ արխարավային ծածկով: Սյուներն ունեն իրենց ներքին մասից լայնացող խարխալ: Մի քանի սյուների խոյակները նման են խարխալներին, բայց չլրացված տեսքով: Մյուս սյուների խոյակները կորնթոսյան տիպի են: Միայն առաջին ավետարանիչը պատկերող խորանի սյուները չունեն խոյակներ, այդ սյուները հիշեցնում են փայտե հենասյուներ: Խորանների զար-

¹ Տե՛ս Գ ար և գ ի ն Հ օ վ ս ե փ յ ա ն, Խաղրականք, կամ Պոռչյանք..., մասն առաջին, էջ 150:

² Նույն տեղում:



2v. 2



3v. 3

դանկարը կազմված է ձվաձև սրածայր եղակներից, որոնք ստացվել են հատումներից, երեք-չորս և ավելի շարքերով: Դրանք ի վերջո կազմում են խաչավորված թեք շարքեր, որոնք կանաչ, դեղին, կապույտ և սպիտակ գույների բավականին հետաքրքիր համակցումներ են: Այդ պարզանկարը լայնորեն տարածված է. դրան կարելի է հանդիպել միջնադարյան Հայաստանի հարտարապետական հուշարձանների վրա, այն մեզ է հասել նաև հայկական ասեղնագործության նմուշների միջոցով:

Սյուների կողքին բարձրանում են ծառեր՝ մերթ ոճավորված արմավենի՝ կախված ողկույզներով, մերթ խոշոր տերևներով ծառ: Չորրորդ ավետարանիչի մանրանկարում դարձյալ չորս պտուղներով արմավենու ծառի առջև դրված է մի մեծ նախշած սափոր՝ գեղեցիկ պատկերով:

Խորանի վերևում իրար կողքի պատկերված են կլոր չրավազաններ, որոնցից միջինը ավելի բարձր է: Մի դեպքում այդ ավազաններից չուր են խմում սիրամարդները՝ հովհարաձև պոչերով, մյուսում՝ աքաղաղները: Պատկերված են նաև այլ թռչուններ:

Խորանի տակ, երկու սյուների միջև, պատկերված է ավետարանիչն իր գրագրի (գրչի) հետ: Վերջինս սովորաբար տեղափոխված ձախ կողմում, նստած է բարձր թիկնաթոռի վրա: Նրա ծնկներին դրված է մի մեծ բացված գիրք, որի թերթը նա բռնել է ձախ ձեռքով, իսկ աջով կարծես թե գրում է ավետարանի առաջին տողերը: Նկարիչը մոռացել է ավետարանիչ Մարկոսի գրագրի ձեռքում դնել եղեգնյա գրիչը, որը մենք տեսնում ենք մյուս գրագիրների մոտ: Իրագրի առաջ պատկերված է ավետարանիչը՝ մաղերի խիտ սանրվածքով: Նա հագել է երկար դեղնու: Ծաղկողը ընդգծել է ավետարանիչի դինամիկ դրուժյունը, նրա մի ձեռքը ուղղված է դեպի առողազարդ երկինքը, իսկ մյուսը՝ դեպի գրագիրը:

Չնայած թելադրող ավետարանիչների կոմպոզիցիայի, ինչպես և խորանների նկարազարդման ընդհանրությունը, այնուամենայնիվ մանրանկարիչ Մաթեոսը կարողացել է խուսափել միօրինակությունից: Խորանների նկարազարդման մեջ մասերի տարբերակմանը զուգընթաց վարպետ Մաթեոսը դասավորության մեջ աննշան փոփոխություն մտցնելով տարբերություն է մտցրել նաև ավետարանիչների ու գրիչների ֆիզիոնոմիայում: Զանազանությունը ավելի շատ ուժեղանում է նաև մեծ ճաշակով գործարկված գունային դամմայի բազմազանությամբ:

Առաջին երկու ավետարանիչների անվանաթերթերի գլխազարդերը (էջ 8ա, 65ա, նկ. 2)՝ բարդ կտրվածքով միջին մասերում, գրավում են գրեթե թերթի կեսը: Հենց գլխազարդերում դրված են երկուական հուշկապարիկներ, բնի որում, մի գլխազարդի վրա՝ կողքի կողմից, որոնք նայում են միմյանց, մյուսի վրա՝ մեջտեղը, վերջիններիս մոտ մի թերթ ցած է իջած, իսկ մյուսը՝ հորիզոնական դրուժյամբ է: Հուշկապարիկների դեմքերը արտահայտիչ են և գեղեցիկ:

Գլխազարդերի վերևում մենք տեսնում ենք կաթավներ, որոնք դասավորված են «կենաց աղբյուրի» երկու կողմերում. այնտեղից նրանք խմում են կենարար ջուրը: Կաթավները, ինչպես նաև հայտնի է, հանդիսացել են թեթև վարքի տեղ պարող կանանց ատրիբուտ, և դրանք լայն տեղ են գտել հայկական մի շարք արվեստներում: Կաթավները հատուկ արտահայտչականություն են օտարել նաև հայկական ժողովրդական երգերում, և մինչև օրս էլ հարատևում են որպես պարող կանանց պլաները բնութագրող պիտանքներ:

Հաջորդ երկու ավետարանիչների անվանաթերթերի գլխազարդերում (էջ 103ա, 167ա, նկ. 3), որոնք այս դեպքում ունեն ուղղանկյան ձև, արդեն չկան հուշկապարիկներ, այդ գլխազարդերը նկարազարդված են արմավենիով և երեթևաձևի թերթով: Այդ ուղղանկյան գլխազարդերում նույնպես նկարված են ավազաններ՝ կաթավներով և ուրիշ թռչուններով:

Լուսանցքազարդերը բոլոր անվանաթերթերում կազմված են հյուսվածքից և սրտաձև արմավենիից, որոնք վերևում վերջանում են նախշված գեղեցիկ խաչով: Ավետարանների առաջին գլխազարդ տառերը զարգարված են արմավենիով, այսպես կոչված, «ութանոցներով»:

¹ Տե՛ս Ս. Մ. Мнацаканян, Архитектура армянских притворов, Изд. АН Арм. ССР, Ереван, 1952, էջ 85:

² Տե՛ս Գ ա Ր Ե Կ Ի Ն Հ ռ վ ս Ե փ յ ա ն, Խաղրակյանք կամ Պռոշյանք..., մասն առաջին, էջ 151:

³ Այդպիսին են նրանք ներկայանում հայկական ժողովրդական երգերում, օրինակ. «Բեկի Սաթո» (Բեկի, Սաթո, քեկի, ինչ նազ ես անում, սալամ կաթավի պես փարվադ ես անում*) և այլն:

1292 թվականի ավետարանի լուսանքագրողերն ունեն պարզ և հասարակ ձևեր՝ գունավոր շրջագծեր, որոնց մեջ ցույց է տրվում տեքստի գլուխը:

Այսպիսով այս ձևազրի մանրանկարների հեղինակ Մաթևոսը եղել է նշանավոր վարպետ, տիրապետել է ձևերի հաղորդման հմտությանը և ճիշտ նկարելու արվեստին:

Գեղանկարչական այն ոճը, որով աշխատում էր Մաթևոսը, մոտ է որմնանկարչությանը: Մաթևոսի գեղանկարչությանը հյուսիսգոթիկն ևն հաղորդում նաև գույները: Նկարիչը, շօգտագործելով ոչ այնքան բարդ ներկապնակ, տվել է գույների հետարքեր համակցում: Մաթևոսը չի օգտագործում ոսկին, վերջինս նրա մոտ փոխարինված է դեղին գույնով:

Մանրանկարիչ Մաթևոսը նորին հետամուտ լինելով հանդերձ, կարողացել է ճիշտ մոտեցում ունենալ նաև անցյալի ժառանգության նկատմամբ (այդ նկատելի է հատկապես խորաններում, մոնումենտալ պալատաձև կամարներում և այլն): Վերջին հաշվով նրա արվեստը անհետ չի անցել ժամանակակից վարպետների, մասնավորապես Գլաձորյան մանրանկարչական դպրոցի համար:

ИЗ ИСТОРИИ АРМЯНСКОЙ МИНИАТЮРЫ

А. Н. АВЕТИСЯН

(Р е з ю м е)

Одним из значительных мастеров армянской миниатюры был художник Матеос, период деятельности которого падает на последнюю четверть XIII в. Он работал в Вайоц-дзоре для княжеского дома Прошианов.

С именем Матеоса связаны памятник-хачкар на древнем кладбище села Мартирос, внутрискальные церкви неподалеку от этого села, а также церковь в самом Мартиросе.

Матеос более известен как миниатюрист, автор евангелия 1292 года (Гос. Матенадаран, рук. № 6292), представляющего не только значительную ценность с художественной точки зрения, но и вызывающего весьма большой интерес вполне оригинальным решением некоторых иконографических вопросов. Евангелие было изготовлено в Вайоц-дзоре.

В армянской миниатюре по сравнению с орнаментальными украшениями иконография вообще развита слабее. У художника Матеоса, наоборот, она развита сильнее. У него каждый из евангелистов имеет своего писца. Несмотря на общность композиции диктующих евангелистов, художник все же смог избежать однообразия. Помимо различия деталей в украшениях хоранов, Матеос небольшими изменениями в расположении фигур внес разнообразность в них. Она еще более усиливается благодаря разнообразию цветовой гаммы.

Рукопись показывает, что Матеос обладал верным рисунком, большим умением передачи формы.

При несложной палитре у Матеоса получается, однако, интересное сочетание цветов. Он не употребляет золота. Оно у него заменено желтой краской.

Художник Матеос в поисках нового сумел проявить творческий подход к наследию прошлого, и в итоге его искусство не прошло бесследно для мастеров-современников, в частности для представителей Гладзорской школы миниатюры одноименного монастыря.